

雲南通志

雲南通志卷一百八十三

人物志七之十

列女十

麗江府

明

高長妻木氏

名藥師能土知府木森女夫任通安州土州同年二十二夫卒撫子成立歷五十四

年節操之堅一洗夷習舊雲南通志

木青妻羅氏

夫任土知府氏嫁十年夫臥病竭力調治卒不起方在閔凶適有蕃寇慨然曰彼以

我新遭喪子在襁褓婦人無能為耳乃親環甲躍馬先士卒一鼓克敵邊鄙以平事姑克孝教子以忠勤稱誥封恭人年五十一卒參藩謝肇淛紀其事舊雲南通志

許喬遷妻樊氏

鶴慶人年十八夫以鄉舉卒於京翁姑欲奪其志氏刺目割鼻憤恨成疾守節

四十二年郡守以詩輓之舊雲南通志

李醜妻里氏

鶴慶人年二十三夫卒子復天守節五十餘年當道旌之舊雲南通志

龐大治妻陶氏

鶴慶人夫嘉靖乙卯舉人氏年二十二夫卒無子家貧紡績養姑有令其改適

者矢死不從姑歿喪葬如禮郡守旌之舊雲南通志

劉旌妻張氏

鶴慶人年二十三夫卒遺腹生子斷髮誓志守節四十一年舊雲南通志

楊從宜妻李氏

鶴慶人夫疾篤以父母幼子囑之氏受命斷髮守節當道旌舊雲南通志

奚賓妻彭氏

鶴慶人年十八夫卒子甫二歲有欲奪其志者泣血自誓守節多年人鮮見其面子

女婚嫁辛苦拮据貧而且賢當事旌之舊雲南通志

李時若妻李氏

鶴慶人年二十一夫卒績紡教子富春子有不率輒嚙其臂泣曰爾父偃蹇以

歿爾若此我何面目見爾父於地下子悔肆力於學
氏病篤子嘗糞衣不解帶病尋愈當道旌之舊雲

南通志

李廷璋妻邵氏

鶴慶人年二十二夫卒子鳳鳴幼割耳誓志撫子為大使諸孫皆氏口授經書

俱成名當道旌之

舊雲南通志

楊嗣先妻阮氏

鶴慶人夫任陽宗教諭因兵亂回里至洱海亂兵四至避石洞中為兵所獲氏

不受辱奪刀自刎

舊雲南通志

段廷實妻尹氏

劍川人夫嘉靖乙酉舉人卒於京氏年二十六歲守節三十餘年巡按旌之

舊雲南

南通志

羅雲鳳妻段氏

劍川人夫嘉靖庚子舉人氏年二十六夫卒無子終身守節

舊雲南通志

張氏女

劍川人許字張周末于歸夫卒欲往殉父母嚴守之女伺稍解詣夫塚自縊因合葬

舊雲南

通志

徐文宗妻張氏

劍川人夫為諸生年二十二夫卒撫子守節五十二年舊雲南通志

李樂道妻楊氏

劍川人夫為諸生事繼母孝氏事之亦如其夫及夫病篤呼天求代夫卒自縊

以殉舊雲南通志

楊桂生妻李氏

劍川人夫卒孝事翁姑撫子成立撫按旌之舊雲南通志

木靖妾和氏

麗江人年二十五夫卒無子誓死守節足不踰閭長齋禮佛每日跪夫靈前誦經卒

之前一日遣婢遍辭親屬無疾而逝年七十五麗江府志

和地立妻仲氏

麗江人年二十八夫卒撫子土府逼令改嫁堅守不從親族畏威往勸氏自縊

於室家人急救得甦土府惡其抗命壓派百金氏典簪珥廬舍以納守節四十七年麗江府志

王鳴鳳妻王氏

夫由嵩明遷居白井為人忠直有膽略沐天波委理迤西勦莊流寇之變天波

出奔鳴鳳率莊人起義往衛臨行囑氏曰藐孤一綫其付之卿乎後力戰不克死之氏年二十八聞夫殉難卽自縊家人救免賊黨捕之急攜子英避居麗江土知府木搖嘉其忠節庇之遂家於麗撫子成立守節四十九年迄今子姓繁衍爲麗望族
麗江府志

楊廷棟妻李氏
鶴慶人年二十三夫卒撫子成名守節四十三年
鶴慶府志

劉夢龍妻胡氏
鶴慶人年二十夫卒撫子及孤姪皆成立均分家產里人賢之
鶴慶府志

楊廉妻張氏
鶴慶人流寇將至夫挈家往避麗江賊破麗江後舉家被執欲汗之氏語之曰合家盡爲君有我一身敢自愛乎但今日體正不潔姑寬一二日當如命賊信之至夜自縊死賊義之釋其全

家鶴
慶府志

段昌妻楊氏
劍川人夫舉人卒於京扶柩歸誓不再適聞人謀奪其志泣血毀容終身守節
鶴

慶府志

吳紹元妻顏氏

劍川人年二十夫卒撫子守節七十年 鶴慶府志

張繼春妻張氏

劍川人年二十一夫卒事姑孝撫子成立州牧旌之 鶴慶府志

段諭藻妻楊氏

劍川人年二十夫卒撫子守節四十年州牧給額旌之 鶴慶府志

國朝

李繼恆妻寸氏

麗江人年二十二夫卒撫子成名守節五十二年 麗江府志

楊成初妻趙氏

麗江人年三十夫卒撫子成名守節三十餘年學使旌之 麗江府志

毛國翰妻居氏

鶴慶人年二十三夫卒紡績撫子守節五十年 鶴慶府志

楊廷鳳妻楊氏

鶴慶人年二十五夫卒紡績撫子成名守節三十餘年 鶴慶府志

楊飛熊妻李氏

鶴慶人年二十夫卒家貧里人富豪欲奪其志氏斷髮刺面人無敢干事姑以

孝撫子成立子殤撫姪為嗣訓以成名守節四十五年 鶴慶府志

楊裔旺妻羊氏

鶴慶人年十八夫卒撫子成名守節四十年 鶴慶府志

王夢熊母洪氏

鶴慶人年二十五夫卒孝事翁姑撫子成名守節四十餘年 鶴慶府志

王應妻楊氏

鶴慶人年二十二夫卒翁姑俱老姑歿翁有癱疾不能起立氏竭力奉養便溺皆手

自掃除十餘年無

倦容

鶴慶府志

李愈昌妻趙氏

劍川人年二十八夫卒孝事翁姑翁姑疾刲股以進撫子成名守節三十餘年

鶴慶

府志

董某妻段氏

劍川人年二十五夫卒孝事翁姑終身守節 鶴慶府志

楊璜妻陳氏

劍川人年二十七夫卒孝事翁姑撫子成名守節三十三年 鶴慶府志

李可禎妻阿氏

劍川人年二十八夫卒撫子成名守節三十餘年 鶴慶府志

樊時妻趙氏

劍川人年二十八夫卒撫子守節四十二年 鶴慶府志

何錫麟妻尹氏

劍川人年二十五夫卒撫子守節三十七年
鶴慶府志

楊述文妻施氏

鶴慶人夫卒守節四十年
案册

高景隆妻蔣氏

鶴慶人夫卒守節四十五年
案册

趙履上妻張氏

鶴慶人夫卒守節三十餘年
案册

趙裕仁妻楊氏

鶴慶人夫卒守節四十二年
案册

童其昌妻莊氏

鶴慶人夫卒守節四十二年
案册

呂月光妻梅氏

鶴慶人夫卒守節四十餘年
以上乾隆二年
旌案册

趙貞女

劍川人許字李報甲未于歸翁以罪戍蜀夫隨往遣所致書令女改字女號泣矢志待夫年二

十四聞夫卒哀慟欲絕設位哭葬畢即歸李門奉養祖姑撫姪為嗣乾隆三年
旌案册

楊續曾妻王氏

劍川人年二十七夫卒養姑撫子守節三十餘年乾隆四年
旌案册

楊發祖妻沈氏

劍川人年十八夫卒養姑撫子守節
六十年乾隆十一年旌案册

楊清溢妻李氏

劍川人年十八夫卒養姑撫子守節
五十年乾隆十四年旌案册

王瑜妻趙氏

劍川人年二十四夫卒孝事翁姑撫姪為
嗣訓以成名守節四十餘年乾隆十四年旌

案册旌

楊文會妻羊氏

劍川人年二十四夫卒孝事翁姑撫姪
為嗣訓以成名乾隆十五年旌案

册

劉進思妻苟氏

鶴慶人夫卒守節
五十年案册

潘宗洙妻林氏

鶴慶人年二十二夫卒孝事翁姑
撫子成名守節三十六年案册

劉濰妻趙氏

鶴慶人年二十夫卒養姑撫子守節六十
二年以上乾隆二十五年旌案册

周應祥妻范氏

麗江人年二十五夫卒孝事翁姑撫子
成名守節四十八年乾隆二十六年旌

旌案

歐陽晉妻段氏

劍川人年二十三夫卒紡績養姑撫子成名守節三十餘年乾隆三十一年

旌案

羅氏女

劍川人年十七許字王治未于歸王卒聞訃以過門請於父母孝事翁姑姑歿撫幼叔成立乾隆

隆五十四年

旌案

李至妻蔣氏

鶴慶人夫官直隸三角淀通判氏隨姑赴署姑患腹疾親滌穢惡患癰以口吮之不

假婢手年三十夫卒扶柩歸舟次漢口鄰舟火令夫弟奉姑攜子別載而逃氏號泣抱柩願同燼忽返風

舟移得免夜泊洞庭盜至氏哭禱夫柩前燈燄忽射數尺柩中吼聲如雷衆驚起盜遁去抵家安葬貧如

洗十指謀生養姑至八旬以壽終子景修景沆皆諸生景陽乾隆戊申舉人官知縣氏守節五十年

探訪

唐某妻高氏

鶴慶人年二十八夫卒家貧紡績養姑姑喪不能舉鄰火無人移棺氏哭臥棺下

誓同燼人間哭聲牽之出不去衆憐其孝咸為移棺氏乃出後鄰宅俱焚氏宅無恙人以爲孝婦之感

採訪

李國定妻翟氏

鶴慶人年二十一夫出師錫箔陣亡氏養翁姑孝撫子成立守節三十二年

採訪

李如陵妻張氏

鶴慶人年十九夫卒於軍孝事翁姑撫子成立守節六十五年採訪

李如旭妻黃氏

鶴慶人年十七夫出師孟壑病歿撫子守節六十年採訪

李如柏妻李氏

鶴慶人年二十一夫出師孟壑病歿無子孝事翁姑守節終身採訪

李如芝妻章氏

鶴慶人年二十六夫卒撫子守節五十四年採訪

李秉恕妻閔氏

鶴慶人年三十夫出師孟壑病歿撫子守節五十年採訪

李王春妻王氏

鶴慶人年二十八夫出師金川陣亡遺一女養姑孝守節四十八年採訪

李蔚後妻董氏

鶴慶人年二十七夫卒孝事翁姑守節二十二年採訪

奚文煥妻莊氏

鶴慶人年二十九夫卒子以貧廢書課孫品端薦於鄉次即入庠守節五十一

年採訪

阮興仁妻莊氏

鶴慶人開封知府莊涖民女夫卒婢王氏遺腹生子氏撫如己出王氏詭詞歸

母家途為強暴挾之去氏白於族鳴之官王氏反噬或恐之曰將對質氏憤然曰吾父何人吾夫何人我乃與淫婢對質耶生而辱不如死而安遂自縊採訪

魏光玉妻陳氏

鶴慶人夫出師四川氏暮婚朝別夫陣亡氏年十九矢志養姑守節五十四年

採訪

任涸妻盧氏

劍川人年二十四夫卒孝事翁姑撫子成名守節三十二年嘉慶五年案册

張貴興妻楊氏

劍川人年二十夫兄派出師夫以兄無子請代行旋染瘴卒氏聞訃慟哭絕粒

父母慰之曰汝有託孤之責勿令死者失所望也乃食撫二子成名嘉慶六年旌案册

和保泰妻楊氏

麗江人年二十六夫卒無子事姑孝撫姪為嗣守節三十七年嘉慶七年旌

册案

和錫瑞妻禾氏

麗江人年二十八夫卒撫子成名守節四十二年嘉慶七年旌案册

楊國琦妻李氏

麗江人年二十七夫卒孝事翁姑撫子宣中嘉慶庚申舉人守節四十七年

麗江府採訪

曾成林妻王氏

鶴慶人從夫移居白沙廠廠民馬福祿矚其夫外出逼姦之氏不從羞忿自縊

有司驗訊氏曰裂眦官慰之曰吾為汝主目乃瞋案定馬伏法嘉慶十三年旌案册

蕭恕妻周氏

劍川人年二十七夫卒斷髮誓志紡績養姑撫子成名嘉慶十四年旌案册

人物志七之六

列女十七麗江府

王燭妻蕭氏

劍川人隨夫赴翁任年十八夫卒屢欲殉翁姑慰止後翁卒於官扶櫬歸家貧紡績

養姑撫姪為嗣訓以成名守節四十
七年嘉慶二十五年 旌案册

郭維炯妻楊氏

麗江人年二十九夫卒孝事翁姑撫子成名守節二十八年 麗江府採訪

和鳴妻李氏

麗江人年二十六夫卒事姑至孝姑染疫氏刻不離寢朝夕焚禱願以身代姑竟愈

而氏歿於疫後其子入庠氏守節三十餘年 採訪

楊永熙妻和氏

麗江人年二十六夫卒撫子成名守節二十四年 採訪

鮑氏女

麗江人年十三許字趙毓麟未于歸趙卒矢志守貞孝事父母有巨室求婚誓死不從 採訪

楊文廣妻和氏

麗江人年十九夫卒撫子守節六十一年 採訪

周紹雅妻李氏

麗江人年二十夫卒撫庶出子如已出守節三十七年 採訪

馬國寶妻楊氏

麗江人年二十六夫卒事祖舅姑及舅姑孝撫二子成名守節三十四年學使

旌獎
採訪

馬國才妻王氏

麗江人年十五夫卒佐姚楊氏奉事祖舅姑及舅姑撫姪為嗣守節三十年

採訪

曹昇妻董氏

鶴慶人年二十夫卒撫子成立妾葉氏甫生亦子卒媳年二十一亦勵志如姑撫子

成立董守節六十年葉守節三十餘年

採訪

呂學妻楊氏

鶴慶人年二十九夫卒於麗江氏親往扶柩歸葬孝事翁姑撫子成名守節三十七

年採訪

高元浩妻楊氏

鶴慶人年二十七夫卒孝事翁姑撫子成名守節三十餘年採訪

趙光增妻邵氏

鶴慶人年二十九夫省親卒於外氏間計傷悲成目疾姑患瘋疾事之弗懈翁

解組歸臥病氏服役恐翁避嫌慰曰兒表甥女無論婦職甥亦應爾也訓子成名守節四十二年採訪

周仁妻高氏鶴慶人年二十五夫卒事姑孝撫子成名守節四十五年採訪

王坦妻彭氏鶴慶人年二十八夫卒孝事翁姑撫子成立守節三十五年採訪

洪景鼇妻周氏鶴慶人年二十六夫卒孝事翁姑鄰譚回祿不及氏室而焚其旁舍人以爲節

孝所感訓子成名守節三十六年採訪

李傑妻李氏鶴慶人年二十九夫卒孝事翁姑撫子成立守節四十九年採訪

張漢文妻張氏鶴慶人年二十三夫卒孝事翁姑撫子成立守節五十一年採訪

曹國珍妻奚氏鶴慶人年二十三夫卒養姑孝撫姪爲嗣守節四十四年採訪

趙宗彥妻王氏鶴慶人年二十八夫卒孝事翁姑撫子成名守節三十四年採訪

趙登瀛妻潘氏鶴慶人年二十九夫卒無子守節五十九年採訪

李天生妻李氏鶴慶人年二十四夫卒養翁姑孝撫子成立守節五十年採訪